



Inatsisartunut ilaasortaq
Jens NapâtôK'
Naleraq
/Maani

10-09-2025
Suliap normua 2025 - 18801
Akt. id. 25735680

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

§ 37 naapertorlugu apeqqummut nr. 147-2025-mut angerlarsimaffeqannginnermut tunngatillugu akissut

Asasara Jens NapâtôK'.

Apeqqutinut qujanaq. Apeqqutit ataasiakkaarlugit ataani allanneqarput, akissutaannik malitseqartillugit.

Naalakkersuisunut apeqqutit:

- 1. Angerlarsimaffeqanngitsuuneq pillugu periusissiat taassumalu ingerlallugu pilersiorbornissaanut iliuusissat pillugit suut aaliangersimasumik suut piareersarneqarpat suullu maannamut aallartisarneqareersimalerpat?**

Akissut:

Angerlarsimaffeqanngitsuunermut periusissiaq qinersivimmi 2021-2024-mi siusinnerusukkut Naalakkersuisunit saqqummiunneqarpoq. Naalakkersuisut angerlarsimaffeqanngitsuunermut periusissiaq sapinngisamik ingerlateqqinniarlugu toqqarpaat.

Periusissiaq katillugit 13-inik suliniuteqarpoq. Taakkunannga pingasut naammassineqarput. Angerlarsimaffeqanngitsuuneq pillugu nassuiaammik suliaqartoqarpoq. Angerlarsimaffeqanngitsut pillugit kisitsisoqarpoq, aamma Nuummi angerlarsimaffeqanngitsunut inissianik Kommuneqarfik Sermersooq suleqatigalugu pilersitsiniarneq aallartinneqarluni. Tamatuma saniatigut Nuna tamakkerlugu katsorsaasariup siunnersuisarfiullu suliaasaannut kingunerlutsitsisarneq pillugu suliniuteqarneq ilanngunneqassasoq naatsorsuutaavoq.

Suliniutit allat arlallit naammassineqanngillat, aningaasaliissutinik nassaarsinnaannginneq imaluunniit neqeroorutit pilersitsiffigissaannik sumiiffinnik tigussaasunik nassaarsinnaannginneq pissutigalugit. Tamanna ilaatigut makkununga atuuppoq: innuttaasunut atugarliortunut ataatsimoorluni najugaqarfissat, siusinnerusukkut inissinneqartunut najugaqarnissamut neqerooruteqarneq.

Kommuneqarfik Sermersuup angerlarsimaffeqanngitsunut atugarliortunullu inissianik arlalinnik pilersitsivoq.



2. Housing First-pilotprojekti Nuummut tunngasoq aqutigalugu qanoq amerlatigisunik initaarnissamut pilersitsisoqarpa, aammalu illoqarfiit sineriammiittut allat nunaqarfiillu eqqarsaatigalugit qanoq pilersaaruteqarpa?

Akissut:

Nuummi najugaqartunut aqqaneq-marlunnut inissaqarpoq. Neqerooruteqarneq suli naliliiffigineqarpoq. Naalakkersuisut Nuummi aqqiissut annertusineqarnissaanut aningaasaliissutinik nassaarniarlutik suliaqarput, tamannali ajornarsimalluni.

Suliniut pillugu uterfigineqartarnerit siulliit assut neriunaateqarput, aamma Naalakkersuisut aningaasaliissutit, inissiat/najugaqarfissat nassaarineqarsinnaappata isumassarsiaq illoqarfinnut allanut siammarterniarlugu kissaateqarput, kiisalu kommunit aqqiissummik suliaqartussat suliassaqaqfimmik allannguisinnaanerit, soorlu Kommuneqarfik Sermersooq taamaaliortoq.

3. Naalakkersuisut qanoq sumiiffiit angullugit malinnaatigaat pilersaarummi anguniagaasut eqqortumik anguniarneqarnissaannik qulakkeerinninnissamut, ilaatigut Nuummit taamatullu illoqarfinni sinerissamiittuni nunaqarfinni isorliunerusunilu angerlarsimaffeqanngitsut pillugit suliniuteqartoqarnissaa siunertaralugu?

Akissut:

Naalakkersuisut periusissiap pileqqaarneraniit angerlarsimaffeqanngitsunut suliassaqaqfimmi suleriaaseq pillugu kommuninik qanimut attaveqarput. Periusissiaq inersimasut akornanni angerlarsimaffeqannginneq pillugu kommunit isiginnittaaseqarnerannik akuersaarnernillu annertuumik sunniuteqarpoq. Naalakkersuisut isumaqarput, periusissiaq angerlarsimaffeqanngitsunut suliassaqaqfimmi kommunit sulinerannut ajunngitsumik sunniuteqartoq, aamma periusissiaq sioqqullugu kommunit angerlarsimaffeqannginneq pillugu sulisarneranni nutaaliornissamut allaanerusumillu sulinissamut piumassuseqartut.

Naalakkersuisut konto nr. 31.02.01 aqutigalugu suliniutit nutaat pillugit kommuninik sunniuteqartumik suleqateqarput, immikkut ittumik isumaginninnermut siunertanut tapiissuteqartoqarsinnaalluni. Avannaata Kommuniani akiitsut pillugit siunnersuisarfimmik nutaamik, Kommune Kujallermi kialaarfimmik nutaamik kiisalu Nuummi Frelsens Hærip sivilisunerusumik ammasalernera pillugit tapiissuteqartoqarpoq.

4. Naalakkersuisut qanoq qulakkeerniarnikuuaat kommunit pisariaqartutigit periarfissaqarnissaat pitsaasumik sukkasuumik sukkulluunniit angerlarsimaffeqanngitsunut ikiuinissaminnut sakkussaqaqlutik iliuuseqarnissaannik, illoqarfinni Nuuk avataatigut inissisimasunut angerlarsimaffeqanngitsut pitsaasumik ikiorneqarnissaat pitsaanerpaatinniarlugu?

Akissut:

Aallaaviatigut kommunit innuttaasunik sullissinissaq akisussaaffigaat, innuttaasut sumi najugaqarnerat apeqqutaatinnagu. Tamanna atuuppoq ingerlatsinermut tunngatillugu suliassaqaqfiit tamaasa akimorlugit.

Periusissiaq inersimasunut atugarliortunut suliassaqaqfimmi isumaginninnermut inatsisitigut suliniutinik imaqarpoq. Naalakkersuisut kissaatigaat inatsisiliorneq tamanna isumaginninnermut aqqiissuusseqqinnermut ilaatillugu suliarineqassasoq. Isumaginninnermut aqqiissuusseqqinnermi isumaginninnermut suliassaqaqfimmi suleriaatsit inatsisitigullu sinaakkutit naliliiffigineqassapput.



5. Sumiiffinni illoqarfinni Nuuk iluani avataanilu angerlarsimaffeqanngitsunik suliniuteqarneq nalunaarsuisarnerlu qaqugu killiffissiorneqassava naleqqussarneqarlunilu, a. Kisitsisit nutaajuppat nutaallu pissarsisanerani qanoq iliortoqartassava taamatullu angerlarsimaffeqangitsunut qanoq pinaveersaartitsinermut atorneqarlutillu angersimaffeqanngitsut qanoq ikilisarniarneqaaqissappat?

Akissut:

Naalakkersuisut Ilisimatusarfiullu isumaqatigiissutigaat 2026-mi angerlarsimaffeqanngitsunik kisitsisoqassasoq. Siullermik kisitsinermik suleriaaseq tulliani kisitsinermi ateqqinneqassaaq. Peqatigalugu kisitsinermi nutaami sakkussat nutaat atorneqassapput, taamaalilluni paasissutissat pitsaasut tutsuinartullu qulakkeerneqarlutik, taakkumi angerlarsimaffeqannginnermik takutitsissammata.

Inussiarnersumik inuulluaqqusillunga

Bentlaraq Ottosen